

Yiu di Betico Croes a pidi

“Laga nos no honra solamente Betico pero tur nos heroenan nacional”

El a gradici Mike Eman pa su grandeza



DURANTE e ceremonia cultural riba Plaza Libertador Betico Croes diaranson anochi, conmemorando Dia di Betico, un di e personanan cu a hiba palabra den nomber di famia di e fayecido lider Betico Croes,

tabata su yiu homber Junior kende mescos cu Betico ta boga pa un union. Y a apela pa no uza imagen di su tata pa dividi pueblo.

Junior Croes, kende un tempo a drenta politica brevemente,



a expresa palabranan di profundo emocion na memoria di su difunto tata Betico Croes pero tambe a uni su mes na e peticion pa union cu a wordo haci den oranan di mainta dor di Prome Minister Mike Eman

famia ta sinti alegria grandi di mira con e pueblo di Aruba ta celebra su bida. Dia di Betico ta pa celebra su bida, segun Junior Croes. Pasobra el a entrega su bida na pueblo. “Bo ta sinti cu su trabou y su bida no tabata en vano,” e yiu di e fayecido lider a expresa.

E toke special di e añaki ta cu Aruba ta celebrando den 2011 tambe 25 añ di Status Aparte. El a señala cu e proceso pa logra Status Aparte ta difícil, pero pa mantene e Status aki ta mas difícil. “Mi ta kere cu e manera mas bunita y sensato pa honra Betico ta pa eleva su imagen, su personahe, su principio riba cualkier color politico, religion, rasa of cualkier otro cos cu ta dividi nos como Arubiano. Ta keda na e lidernan actual pa no uza imagen of personahe di

riba Plaza Libertador Betico Croes den conmemoracion di e fecha natalicio di e Libertador. Junior Croes a hiba palabra den nomber di su mama y rumannan, gradiciendo Gobierno di Aruba y e comision organisado pe bunita y gran celebracion riba Dia di Betico. E

Betico como un arma pa dividi e pueblo, pero mas bien como un simbolo di union. “Mi ta kere cu mi tata lo tabata e prome persona pa reconoce tur esnan cu a traha pa Aruba. Y e echo awe nos ta celebra e fecha natalicio di Betico Croes, no ta kita nada di e logro di nos otro heroenan manera Shon Henny Eman, manera Shon A Eman y manera Juancho Yrausquin. Laga e dia awe ta un dia cu nos no ta honra solamente Betico sino tur nos heroenan nacional, pasobra cada un di nan den nan tempo, den nan epoca y na nan forma a yuda contribui na nos Status Aparte. E Status Aparte awe lo no tin su contenido real si nos pueblo no ta uni.”

Aki ta caminda e representante di famia di Betico Croes a para un rato pa bisa cu su tata semper a boga pa union. El a logra finalisa e lucha di e pueblo uniendo e pueblo. Pesey e ta kere cu cada lider politico mester cana cu e responsabilidad di uza e imagen y personahe di tur nos heroenan como simbolo di union. Junior Croes a gradici y elogia Prome Minister Eman pa e grandesa cu el a demostr den su discurso mainta riba Plaza, pa reconoce e trabou di Betico. “Di curason nos ta yama bo danki. Mi ta kere cu e discurso ey ta e prome bloki, e simia, pa yuda uni nos pueblo ainda mas.”